



Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1719

Quæst. 489. Quotuplex sit fidejussor & fidejussio.

[urn:nbn:de:hbz:466:1-73957](#)

forma fieri possit. Leff. Pirk. Carpz. LL. cit. Harpr. in §. fin. Inst. b. t. Lauterb. l. c. §. 10.

2. Dicitur secundò : Ad majorem creditoris securitatem, qua est causa finalis fidejussionis. §. 5. Inst. b. t. l. 1. §. 8. ff. de A. & O. Lauterb. §. 27.

3. Dicitur tertio : *Quo quis recipit obligationem alterius in se, promittendo se soluturum seu satisfaturum pro eo, quod debet alius.* Siquidem continet obligationem accessionem ad obligationem debitoris (unde & fidejussores dicuntur ad promissores in jure. L. 5. §. 2. ff. de V.O. quia ad alterius obligationem accedunt. Lauterb. loc. cit. §. 2.) eamque essentialiter supponit, ita ut, si haec sit omnino invalida & civiliter & naturaliter, etiam fidejusso sit nulla. L. 10. 16. 70. ff. b. t. ut si quis fidejubeat in contractu sive ex natura rei, sive ex humani juris dispositione reprobato. V. g. in promissione usurarum, vel rei temporalis pro beneficio Ecclesiastico, aliove jure spirituali. L. cum lex. ff. b. t. junctâ Gl. margin. Molin. l. c. Leff. l. c. n. 5. Pirk. b. t. n. 2. Wielstn. n. 2. cum communijuxta reg. Jur. 178. quod deficiente principali, non subsistat accessionis. Dicitur etiam : Pro eo, quod alius debet : pro debito enim proprio, seu pro se ipso quis jubere nequit. L. 21. §. 2. ff. b. t.

4. Dicitur quartò : *Casu quo hic (nempe debitor principalis) in satisfaciendo deficiat : quamdiu enim hic est sufficiens ad solvendum contra fidejussum ad solvendum agi non potest ; de quo infra.*

5. Dicitur postremò : Interea manente obligatione principali debitore : ita ut per dationem fidejussori non imminuat obligatio debitoris ; per quae etiam distinguitur fidejussor à constitutore, de quo l. 5. §. 2. ff. de confit. pec. & expromissore, de quo l. 4. l. fin. ff. de SC. Macedon. & l. 22. ff. ad SC. Velleian. dum per constitutionem & expromissorem debitum & obligatio principalis debitoris extinguitur, & transfertur in constitutorem & expromissorem, cum se principales debitores constituunt. De quo vide Lauterb. §. 3. Muller. ad Strn. b. t. th. 35. lit. §. 8.

Quæst. 489. Quotuplex sit fidejussor & fidejusso ?

1. R Esp. variè dividuntur. Nam primò fidejussores ali sunt voluntarii, qui absque ullius mandato rogati liberè fidejussionem præstant alii necessarii, qui à lege, Magistratu vel Judice exiguntur ad præstandam fidejussionem. l. 7. §. 1. ff. qui satisdat. cog. Quæ tamen necessitas, ut inquit Lauterb. §. 4. b. t. non est absoluta, sed hypothetica ; nimur nisi quis non datis fidejussoribus aliud damnum vel molestiam pati præoptet. Sic quis induito moratorio gaudere vult, ex lege cogitur constituire pro se fidejusso. L. 4. C. de precib. Imper. offer. alia exempla vide l. 13. ff. de usuf. l. 7. ff. de damn. infest.

2. Secundò ali sunt fidejussores, qui dantur in iudicio de reo sistendo & judicatum solvendo. L. græc. §. 3. b. t. Molin. l. c. d. 539. Exigi etiam solent, quando creditor vel actor de fide debitoris vel rei dubitat, aut minus se securum rationabiliter judicat, & per pignora commode cavere nequit. Alii extrajudiciales, qui extra iudicium conventione privatorum constituuntur.

3. Tertiò ali sunt fidejussores principales, qui principalis debitoris obligationem in suam fidem recipiunt. L. si plures. §. 4. ff. b. t. Alii succedanei (qui & subalterni dicuntur) nimur qui accedunt

fidejussori principali, ipsiusque fidem suffulcent, fidejubendo pro ipso fidejusso ; ad quos proinde primo fidejusso deficiente habetur recursus ; pro fidejusso enim fidejussorem accipi posse dubium non est, ut dicitur l. græc. ff. b. t. Quarto alii sunt simpliciter tales, qui fidejubent absolute, quod debitore non solvente solvere velint. Alii sunt fidejussores indemnitas, quos Lauterb. §. 7. ita describit, quod sint, qui sub conditione, & cum in casum, quod creditor debitum suum, vel omnino non, vel non in totam consequi potest, obligans se ad præstandum reliquum. Verum quia hac ratione non satis distingui videtur à fidejussoribus succedaneis & subalternis, rectius describuntur, quod sint, qui fidejussorem ipsum se servaturos indemnem promittunt ; quia per hoc differunt à fidejusso subalterno, quod hic respiciat debitum creditoris, ac æquè detur in favorem & pro securitate creditoris, quam fidejussor principalis ; illi vero detur in favorem & pro indemnitate fidejussoris principalis ; contra quos proinde actionem non habet creditor, sed ipse principalis fidejussor, casu quo si deficiente debitore principali solvere tenetur. Reiffenst. b. t. n. 7.

Quinto alii sunt idonei & sufficientes, nimirum quorum fidejussione pro recipiendo debito satis cautum est creditori, nempe qui & sufficiencia media habent, ex quibus debitum integrè solvi potest, & simul sunt facilis conventionis, quæ in hoc consistit, quod non sint diversi cum creditore fori, non rixosi & litigiosi, non potentes & magna qualitatibus ; quorum duorum requisitorum ad idoneitatem fidejussorum, si alterutrum deficiat in aliquo, dicitur fidejussor inidoneus & insufficiens, contra quem in iudicio excipere potest creditor & actor aliumque petere, dum iura ipsa satisfactionem idoneam imponunt.

Quæst. 490. Quodnam sit objectum, seu super quæ cadere possit fidejusso ?

1. R Esp. primò in genere : Objectum illius est omne debitum & obligatio ab aliquo ex quacunque conventione orta præexistens & jam contracta, sive ea sit naturalis tantum (qualis est illa servi sine autoritate domini, & pupilli sine autoritate tutoris contrahentis juxta l. naturaliter. ff. de condit. indeb. l. Marcellus. ff. b. t. junctâ Gl. v. obligari) sive sit civilis tantum, sive mixta, prout ad dictas omnes obligationes alienas se extendere fidejussionem probatur manifestis textibus. §. 1. Inst. b. t. l. 1. ff. b. t. junctâ Gl. v. omni. l. græc. ff. eod. Lauterb. §. 23. Dixi autem : *Obligatio jam contracta seu præexistens*, quia fidejusso, ut dictum, præsupponit essentialiter obligationem alienam cui ipse tanquam accessionis superveniat. His non obstante, quod l. 6. §. 6. ff. b. t. dicatur, fidejussorem non minus obligationi futura quam jam existenti adhiberi posse. Nam fidejussor in hoc casu revera non est fidejussor, nec actu obligatus, sed omnia sunt in pendente & obligatio conditionata, quæ tunc denum in actu secundum deducitur, & evadit absoluta, dum obligatio principalis in esse constituitur, & ea non eveniente evanescit. L. 35. ff. de Judic. l. 57. ff. b. t. Brunem. ad cit. l. 6. num. 2. Lauterb. b. t. §. 18. Idem tradit Muller. ad Strn. b. t. th. 39. lit. d. cum Vultejo ad §. 3. Inst. b. t. dum ait : Præcedere quidem potest fidejusso obligationem principalem verborum conceptu, modò futura sit aliqua obligatio principalis, & ea revera sequatur : non vero

præ-